

棗陽縣志

地 260.47
37
51-8

棗陽縣志序

國家休養生息漸仁摩義

列聖相承涵濡煦嫗於百有餘年之久海宇清甯烽煙息滅
聲名文物之盛無間於荒陬僻壤語曰堯舜之民比戶可封
民生斯世何厚幸也棗邑在春秋爲唐國地在漢爲春侯國
迨建武中改章陵自隋改今名歷千百年而棗陽之名未更
聲名文物史不絕書雖經勝國之末兵燹蹂躪然而人煙稠
密土壤寥濶蓋猶稱襄郡屏翰焉且地近僻壤無異通都大
邑熙熙穰穰之幾忘

重修棗陽縣志

卷之

帝力於何有非此一風同沐浴

德化之深何能至此哉乙卯夏四月余由遠安任蒙大憲卓
薦來蒞茲土下車之始驗其民風觀其土俗思欲者一乘以
與斯民記此日之盛因得康熙十一年邑令劉君嗣煦所修
縣志一帙讀之其間紀載之體煩簡之宜去取之公不能盡
無遺議又距今已九十載此九十載中所爲政治因革戶藉
登耗風俗人才之推移榮落皆將傳信傳疑放逸是懼卽今
不輯後更無考修廢舉墜非司牧之責而誰責歟先是前任
黃公文瑗乾隆二十三年嘗從事於斯未能卒業及是予與

闔邑紳士復申前議上之臺使者蒙報可爰諏吉開局於柯
公祠其經理度支采訪雙歧諸紳士分任之而以學博熊君
鱣堂多暇足以互相考核示是取前志之訛者正之遺者補
之煩者刪之而新者續之嚴筆削慎取與凡邑中因革山川
城隍之形勝賦役生齒之殷繁學校風俗物產之盛美與夫
忠孝節義經綸黼黻之文章無不分門類纂登載靡遺凡幾
閱月而書成噫短綆汲深美錦學製於今三年矣土俗民風
亦漸稔悉竊念棗之爲邑田土膏腴閭閻饒足便工商之業
通物產之利洵屬邑之奧區也旣富方穀愛士心臧庠庠之
重修棗陽縣志

卷之一 原序

外設立義學膏火有田堪資匱乏爲養固易爲教亦非甚難
也官於斯與生於斯者攬取是篇相其緩急善其注厝不徒
以紀述典故視之則士也悅禮樂而敦詩書民也安耕鑿而
歌化日自足以長享
昇平之盛治於無窮似續先哲之聲光於不替矣是爲序
乾隆二十七年歲次壬午秋七月知棗陽縣事加二級紀錄
二次豫章甘定遇躍津氏書

敘

陳公子飭竒士也以名孝廉令楚北所歷之處率政
通人和百廢俱修諸大吏相視動色咸倚重之咸豐
元年秣以廉能由鄖調東棗嶽邑也民風獷悍盜匪
充斥素稱難治公下車之始廉得巨猾數十人縛而
置之法於是諸不逞之徒畏公神明相率斂跡浹旬
間不拾遺不閉戶安居樂業雞犬無驚為數百年來
所未覩民之稱便稱快者且嘖嘖傳頌為一口公酒

重修棗陽縣志

王序

感然曰道之以政齊之以刑特持未塞流為目前救
急之策耳正其本清其源使斯民衾影幽獨之中嘗
若肴聖賢之鑒臨父兄師保之教督自然無法可犯
無刑可用又在有以觀感振興之焉孟子曰聖人百
世之師也奮乎百世之上百世之下聞者莫不興起
然則欲善民風端在先崇聖教文廟其始基也東邑
文廟狹隘且將傾圮公乃捐廉集費拓附近隙地更
而新之其規模增曩制多有莖金碧交映輪奐生輝

巨觀也過而瞻仰者莫不感嘆欷歔油然動其欽慕之心爭先解囊以襄盛舉其所餘資則以新文昌宮初考棚補城垣葺衙署倉庫邑之人咸樂觀厥成焉於戲天下無不可轉移之人心向來風俗之偷無亦教化之踈歟公乃整飭書院延名師為山長約邑之俊彥充物其中厚其膏火嚴其督責勤其攷課以為作養人材易俗移風之本政餘之暇步至講堂與生造匡坐其中論做人之道讀書為文之法持家處鄉

重修棗陽縣志

二

之宜間訪民間疾苦其有便於政者立即行之日積月累歲變月移而邑之文風蒸蒸然日上矣而邑之民風亦熙熙然近古矣既而慨然曰邑志一書尤關切要東邑代有偉人志之中忠臣孝子節義貞廉以及文學之選武略之尤卓卓可嘉者皆邑人之祖若宗先達前輩也吾表而彰之其觀效之深不較之詩書所載史冊所陳為尤易乎迺亟求古本率殘闕不全遂就柯澤袁奐諸人集本旁加採訪裒輯成書付

之梨東公之懇懇勤勤志在化民如此因知向之風
行雪厲禁暴除奸者乃以明刑為弼教之先聲非僅
於此而已傳曰唯仁人惟能愛人能惡人考亭注惠
人章曰子產之政不專於寬而其心則以愛人為本
公也始之以猛終之以寬寓寬於猛化猛為寬為政
之次第宜然也維時粵氛不靖擾及楚北凡東之鄰
邑蹂躪幾遍斯邑獨安堵無恐非盛德之感上理之
化有以惠孚黎庶上動天和何以至於斯魯公宰中

重修襄陽縣志

三

年而蝗不入境韓文公居潮而鱷不為災其殆是歟
甲寅夏余來權是篆適公邑志告成出而示之且以
問敎余謂志所同也公之修志所獨也故不以敎志
而以敎公

咸豐四年歲次甲寅夏五月代理襄陽縣事北平王璐
頓首拜撰

重修棗陽縣志序

自龍門蘭臺諸書而外如開元十道述元豐九
域志張文規吳興禰錄盛宏之荊州記皆郡邑
志乘所由昉也夫志以辨物土記風俗時代之
因草山川之險固與夫財賦戶口之蕃忠孝節
義之著職制政令之措施或得或失一寓目而
得焉夫豈徒侈陳博雅為一邑飾美云爾哉棗

重修棗陽縣志

陳序

邑為古舂陵郡東漢世祖龍興之地賢豪俊傑
代不乏人其流風善政散見於史冊傳聞於當
代者非彙而輯之不足以昭示來茲邑舊無志
康熙戊申西蜀劉公嗣煦來尹於茲始謀興修
其後甘公定遇繼之始有刊本而疆域賦役人
物藝文諸類尚多缺畧至於今又垂百年矣遺
事已屬不少况復遭逢兵燹其時忠義之士以

身許國殲軀撼患其功績更有不容聽其湮沒者道光丁未前令熊君文鳳延隨州增生高福滂續修邑之文生劉峩衛瞻淇佐之歷吳君輝珎楊君裕仁率以帛糈不繼中止至庚戌冬楊君嘉運任內而稿甫脫咸豐元年辛亥烱子飭自鄖邑移茲土同寮紳耆議修

文廟文昌宮書院考棚各工董事諸君子多與

重修棗陽縣志

陳序

二

於志書採訪之役而少尉陳君韜又曾睽劉衛兩生博稽羣說成棗陽脩志焉子飭每至工次學博劉君之彥程君保極皆曰邑志之修已閱數載所以未就者意見各殊而貲財不遘耳今百事俱舉捐輸恐後聯眾情使合一定信史以傳後在此時矣飭素不諳史例而迫於公論因於署東建廳事五楹延向之曾任編纂者聚處

其中諭知江陵王君樹滋枕胙班范史家言敦
請至署飭亦少參末議相與攷訂間以鄙意附
為論贊缺者補之冗者節之其簾靜軒之有關
治化二陟堂續蟬吟之生色藝林悉予登錄從
人望也時以妖氛未靖軍需孔殷大憲欽奉
諭旨飭下州縣勸捐助餉四鄉奔馳載歷寒暑
陳少尉調赴戎行諸君各以團練防堵歸里一

重修棗陽縣志

陳序

三

切卷帙匆匆告竣竊懼其荒落實甚也將付棗
梨為贅數言俾知羽書旁午筆墨難詳十餘年
未成之書得有定本所望後之大雅重加修飾
而潤色之即以此為草創可也其督監工料託
之縣幕白君楚俊蕭君昫較正錯訛整理刷印
仍付劉君之彥及新任學博王君伸之並邑人
衛瞻淇云

咸豐三年歲次癸丑小陽月知棗陽縣事山左
陳子飭謹序

重修棗陽縣志

陳序

四

重修棗陽縣志目錄

卷首

序

圖 疆域 城池 縣署 學宮 文昌宮 考棚

凡例 續修姓氏 參閱 采訪 繪圖 分繕

卷一

地輿 沿革 疆域 形勝 山水 水利

建置 城池 壇廟 公署 鋪遞 里鎮 津梁

卷二

重修棗陽縣志 卷之首 目錄

賦役 民屬丁銀 民屬田賦 更名田賦 存留支款
支留解款 民屬驛站 民屬隨漕 雜項稅稞
更名起運 武昌衛軍戶 軍田 漕運
襄陽衛軍田 積儲 風俗 物產

卷三

學校

卷四

禮制 祀典 慶典 鄉飲 學田
書院考棚 書院學田

卷五

職官 附兵防

卷六

宦蹟

卷七

選舉

例貢 武科 軍功 爵廕 貲選

卷八

人物

光武帝紀 光武宗室勲戚王侯傳 名人列傳
孝義忠勇傳 流寓列傳

卷九

人物

烈女

卷十

藝文

詩

重修襄陽縣志

卷之首

目錄

二

卷十一

藝文

文上

卷十二

藝文

文下

卷十三

藝文外志

卷十四

古蹟

陵墓 坊表 寺觀 方外

卷十五

兵事 詳異

重修襄陽縣志



卷之首

目錄


三

重修秦州志 卷之首 圖

聖廟圖




文昌宮圖



重修襄陽縣志卷之首圖

五





試院圖

重修瓌陽縣志


卷之七 圖

六



重修棗陽縣志

卷之首圖



重修棗陽縣志卷之首

凡例

一 邑之有志郡書之支流也志之有例編次之準則也是知區分類別踵迹前修者尙矣嘗見康對山韓五泉兩先生武功朝邑二志皆不過七篇言簡意該世推絕作王方山太守鄖陽府志宗之茲編參酌三書分門十二凡卷十五其中蕪雜罅漏或多嫌議望覽者諒之

一 凡志皆首星野卽以楚地言之史記漢書皆以爲翼軫之分蔡邕曰張十二度范蔚宗曰入張十八度宋書地理志

重修棗陽縣志

卷之首

凡例

一 云京西北路禹貢荆豫之域當柳張之分言人人殊茫無根據唐率更令劉子元之言曰丹曦素魄之躔次黃道紫宮之分野旣不預於人事輒編之於策書故曰刊之國史施於何代不可也况縣爲襄陽屬邑更難斷爲何杪何分故從缺畧

一 地志宜詳於沿革蓋疆域山川官師人物胥以沿革而定茲各援據正史以明有徵山必狀其形勝水必辨其源流聯絡貫串仍使支分派別不致相亂

一 沿革疆域形勝山水則統之以地輿水利附之城池壇廟

公署則統之以建置市鎮津梁鋪遞養濟院之類附之賦役則附以積儲風俗物產古蹟則附以陵墓坊表寺觀方外

一志人物則準魯觀察三府合志之例首列帝紀次則光武宗室勲戚王侯名人孝義忠勇流寓概以列傳統之至如樊馬諸人舊志載入者仍從其舊重人望也

一名宦在宋元以前卽節錄本傳自明以後則本舊志及湖北通志襄陽府志續載者必確審政績其人存例不列傳一志藝文必有關於政治名教者方可采入凡舊志所錄仍

重修襄陽縣志

卷之首

凡例

二

存其舊而新采均各照錄

一物須本境特產方堪登載而棗邑生植率與鄰產無異茲各爲之詳別品類名稱附之賦役備資博識

一山川古蹟若大洪山澗水下澆戍驢驪坡雖舊屬蔡陽而久已析入隨州府志舊志收載本邑者刪之

一賦役類載襄陽衛軍戶缺畧不難就近稽查惟以勸捐緊要刻無暇畧容後查明補刊

重修棗陽縣志姓氏

纂修

棗陽縣知縣候選同知

陳子飭

前任棗陽縣知縣陞隨州知州

楊嘉運

棗陽縣典史

陳韜

隨州增生

高福滂

江陵增生

王樹滋

參閱

棗陽縣教諭

劉之彥

重修棗陽縣志卷之首 採訪

前任棗陽縣訓導

程保極

棗陽縣訓導

王伸之

四品廕生棗陽縣平林店主簿

吳元禧

署棗陽縣典史襄陽縣雙溝巡檢

魯圻

協修

邑增生

劉峩

邑增生

衛瞻淇

採訪

歲貢生

張鏐

邑歲貢生

郭希傑

邑增生鹽知事銜

蔣若蘭

東河試用知縣辛亥科舉人

張鏞

邑增生 貽封京畿道監察銜史

史仲先

邑歲貢生

謝兆蘭

邑增生鹽知事銜

宋步瀛

邑增生

王封繡

鹽知事銜

唐閔中

邑廩生

孫第亨

重修襄陽縣志

卷之首 採訪

二

邑庠生

王光潤

邑廩生

劉遇亨

邑廩生鹽知事銜

黃載元

邑增生

高鈞

即選教諭己亥科舉人

唐桂彬

邑庠生議叙八品職銜

楊宗連

邑庠生

李人望

邑庠生

涂光玉

邑庠生

史雲卿

邑廩貢生肄業候選教諭

李斐章

邑廩生

平建章

邑廩生

楊兆先

邑庠生監知事銜

齊遠鴻

邑庠生

李煥然

邑人從九品

張恂

邑庠生

李崇本

邑廩生

張大受

邑廩生

靳燁

重修襄陽縣志

卷之首

采訪

三

邑人從九品

高培棠

邑國學生

杜清華

繪圖

邑人

楊守惠

分繕

邑人

朱兆陞

李著棠

涂德恭